

Orígen i Desarooyo di famia DA COSTA GOMEZ

Promé Parti:

Historia di Hudiunan i nan yegada na Kòrsou

Kompilá pa
Randal Da Costa Gomez

Randal Da Costa Gomez

- Nase: Na 1973 na Kòrsou
- Estudio: Elektrotechniek na Fakultat tékniko di UNA
(for di 2013, U.o.C. Dr. Moises Da Costa Gomez)
Nivel di H.B.O.
- Trabou: Ingeniero Tékniko (Ing. of Bac.)
na Energy and Automation Inc.
(Ofisina ku ta duna Konsulta Tékniko i ta hasi diseño di instalashonnan Tékniko)
- Hòbinan: Historia en general i en partikular historia relatá na mi antepasadonan i di Kòrsou



Hudiunan Sefardí

Hudiunan Askenazi

Hudiu Sefardí

- Hudiu Un Persona ku a nanse for di mama ku tambe ta hudiu òf un persona ku a konvertí i a bira hudiu, (i en general e persona aki ta práktika e kreensha hudiu.)

Sie persona aki a nanse di un mama hudiu, esei ker men ku su orígín ta di un region ku tabata yama Hudea, i awe e region ei ta forma parti di Israel, Palestina i un pida di e reino di Hordania na Medio Oriente.
- Sefardí Un Hudiu ku su antepasadonan tabata biba òf ta original di Sefarad

Sefarad ta e nòmber ku hudiunan tabata usa pa nombra e península Ibérico for di siglo II, i awe e region ei ta forma parti di Spaña i Portugal
- Hudiu Sefardí Un hudiu ku su orígennan ta na e península Ibérico (Spaña i Portugal) i promé ku esei na Medio Oriente (Israel, Palestina i un pida di e reino di Hordania)



Imperio Romano



Provincia Romano di Hudea

Romanonan for di mas o ménos **aña 300 B.C.** (promé ku Kristu) a kuminsá konkista gran parti di Europa, Nort di Afrika y tambe Medio Oriente.

Nan imperio ku a kuminsá ekstendé for di Roma ya pa **aña 63 B.C.** a kuminsá konkista e paisnan ku tabata situá na e kosta ost di laman mediteráneo y Hudea mes ya pa **aña 6 B.C.** a bira un provinsia Romano.

E gueranan entre Hudiunan i e Romanonan

Pa motibu ku e kultura i polítika ku e Romanonan tabata implementá den nan reino tabata **hopi dominante** i di un otro banda e hudiunan tabata **hopi tradishonal na nan kultura i nan religion**, esei a bin resultá den rebeldia di parti di e hudiunan kontra e dominio romano **entre aña 66 pa aña 136 despues di Kristu.**

Tur e gueranan aki a resultá den derota pa e hudiunan, kaminda hopi hudiu a wòrdu ekspulsá tambe for di Hudea


Durante di e gueranan aki na 70 B.C. e di dos tèmpep na Yerusalèm ta wòrdu destruí dor di e Romanonan



Arka di Tito na Roma



Detaye riba e Arka di Tito na Roma



Un kopia na eskala di e di dos tèmpel na Yerusalèm



Situashon aktual kaminda e di dos tèmpel na Yerusalèm tabata situá

Impaktonan di e gueranan aki

Destrukshon di e dos tèmpel, i tambe un masakre i deportashon involuntario pa e hudiunan ku a partisipá na e gueranan aki:

Ku destrukshon di e di dos tèmpel na Yerusalem lokual tabata riba su mes un eksperensha hopi traumátiko pa e pueblo hudiu esei a trese un kambio radikal den e pueblo hudiu, paso e di dos tèmpel ku semper tabata fungi komo e punto sentral den e religion hudiu no tabata tei mas, anto asina ei e religion hudiu a bira un religion mas introverso pues un religion mas konsentrá rondó di e outoridat di e Rabinan i no tabata sinti nan mes mara mas na un sierto region.

Tambe a bin un divishon entre e hudiunan tradishonal i e promé kristiannan (ku den promé siglo despues di Kristu) tabata hudiunan ku tabata konsiderá nan mes hudiunan ku tabata simpatisá ku e ideanan di Hesus Kristu. Pero e susesonan aki si a hasi e kristiannan un religion mas extroverto.


E hudiunan ku tabata forma un poblashon importante na e kosta ost di e laman mediteráneo awor a pasa pa bira un minoria plama i pèrsigui den nan mes teritorio, esei a buta ku hopi hudiu a sali for di Hudea i bai establese den otro provinsianan romano rondó di laman mediteráneo, manera tabata e kaso di Hispania ku tabata e nòmber ku romanonan a duna e aktual península Ibérico.

Hudiunan na Iberia

Na aña 380 kristianismo ta bira e religion ofisial di e Imperio Romano

Na aña 476 e parti west di e Imperio Romano ta kolèps, anto e ta fragmentá den diferente Reinonan nobo kristian, asina tambe ta e kaso di antiguo provinsia romano di Hispania.

Di aña 476 te ku aña 710 e reinonan kristian nobo nan aki tambe a keda bira kada bes mas intolerante kontra e hudiunan ku tabata biba den nan reinonan sigun añanan tabata pasando.



Provinsia Romano di Hispania



E reinonan kristian nobo riba e península Ibérico

E konkista musulman di Iberia

Na **aña 711** moronan (musulmannan prosedente di e kosta nortwèst di Afrika) ta invadí e península Ibérico for di sur i ta konkista gran parti di e península aki, ku eksepsyon di algun region ku tin hopi seru na nort di e península. E region ku nan a konkista aki nan ta yam'é Al-Andalus.

Pa e hudiunan ku awor si a wòrdu tolerá pa e musulmannan ku ta manda awor riba e península Ibérico esei a nifiká un era nobo di **toleransia i ko-eksistensha**. En general esaki tambe a bin nifiká ku e bida ekonómiko, kultural i religioso di e hudiunan a kuminsá wòrdu tolerá i despues e la floresé pa un par di siglo.

E época nobo aki di toleransha i ko-eksistensha a wòrdu yama **'E Era di Oro di Kultura Huidu na e Península Ibérico'** anto e ta kore mas o ménos di **aña 900 pa aña 1100**.

Sepharad tabata e nòmber hebreo ku e hudiunan tabata uza pa e península Ibérico, ta p'esei e hudiunan ku tabata biba einan tabata wòrdu yama **hudiunan Sefardí**.

E rekonkista kristian di Iberia

Na **aña 718** e kristiannan den e parti nort di e península Ibérico tambe a kuminsá un rebelion kontra di e presensha musulman einan, anto e rebelion aki a pasa despues over den siglonan di gueranan ku a bin wòrdu konosí komo **'La Reconquista'** anto nan a bin terminá te na **aña 1492** ku konkista di e último reino Moro den sur di e península.

Riba e península Ibérico promé i durante di e rekonkista aki a kuminsá forma reinonan kristian nobo manera **Reino di Castilla**, **Reino di Leon**, **Reino di Asturias**, **Reino di Aragon** i **Reino di Portugal**.

Pero ku formashon di e reinonan kristian nobo aki tambe poko poko **e intoleransha** pa ku e hudiunan (i musulman) tambe **a empeorá** den e teritorionan aki.



Muslim Occupation Of the Iberian Peninsula 790 AD



Muslim Occupation Of the Iberian Peninsula 900 AD



Muslim Occupation Of the Iberian Peninsula 1150 AD



Muslim Occupation Of the Iberian Peninsula 1300 AD

E Inkisishon Spañó

Na aña 1469 rei Ferdinand II di Aragon ta kasa ku reina Isabel I di Castilla (ku awor ta inkluí e reinonan di Leon i Asturias tambe), anto asina ei e reino di Spaña a nanse.

Komo parti nobo di nan polítika doméstiko Ferdinand i Isabel ta introdusí kortenan religioso na aña 1478 pa mantené ortodoksia katólíko den nan reino. E kortenan aki a wòrdu yama Inkisishon.

Un di e tareanan mas prinsipal di e Inkisishon aki tabata pa sòru pa mantené e religion katólíko den e reino spañó den un forma òrtodòks òf konservativo, dor di kontrolá i sanshoná tur ku no ta mantené nan mes na e religion katólíko.

Asina ei intoleransha i agreshon kontra di e hudiunan awor a wòrdu elevá di algu 'ku e pueblo tabata hasi' pa bira algu ku awor ku tabata wòrdu organisá i implementá dor di estado spañó.

Na aña 1492 e intoleransha a wòrdu intensiva mas ainda ora e reinan a publiká dekretonan ku ta ordená e hudiu (i e musulmannan) pa skohe entre konvertí òf wòrdu ekspulsá for di Spaña.

Hopi hudiu a sali for di Spaña pa entre otro Portugal, e estadonan Italiano, Nort di Afrika i e imperio Turko Ottomano.

E ekspulshon aki na aña 1492 for di Spaña tabata un di e momentonan di mas trágiko den historia di e pueblo hudiu entre e destrukshon di e di dos tèmpel na Yerusalèm na aña 70 i e époka di alemania nazi (1933-1945).



E seyo di e inkisishon spañó

E Crypto-hudiunan òf e hudiunan sekreto

E Hudiunan ku a ninga di sali for di Spaña a wòrdu obligá di konvertí i aseptá e fe kristian i tabata wòrdu yama e kristiannan nobo, pero entre nan tabata tin hopi ku a wòrdu forsa òf tambe dor di preshon sosial a konvertí pero si di un manera insinseramente den e religion kristian, pero di paden nan tabata sinti nan mes hudiu i den sekreto tabata prosesá e fe hudiu ketu bai, nan tabata e asina yama crypto-jews (hudiunan sekreto). Pero e kristiannan tabata yama nan Marranos.

Di otro un banda, un gran kantidat di hudiu a sali na 1492 for di Spaña i a bai establese nan mes na Portugal. Pero na 1497 Portugal tambe ta disidí di intensiva nan intoleransha ora e rei Manuel I tambe ta ordená (bou di preshon di Spaña) pa e hudiunan skohe entre konvertí òf wòrdu ekspulsá for di Portugal.

E Crypto-hudiunan òf e hudiunan sekreto

Pero despues di 1492, na Portugal otro for di na Spaña, e fenómeno di hudiunan sekreto a haña tera muchu mas fètil ku na Spaña dor di tres motibu prinsipal:

1. Na Portugal (otro for di na Spaña) te ku 1580 e inkisishon portugues no tabata un forsa hopi efektivo, pues tabata tin tiki riesgo asosiá ku e kultivo di hudaismo sekreto, sigur den e promé mitar di siglo 16, anto tambe e inkisishon portugues nunca no tabata mes un fuerte manera esun spañó.
2. E hudiunan sekreto ku a disidí di krusa frontera bai Portugal tabata konsistí di hudiunan ku no ke a wòrdu konvertí di un manera forsa den e fe kristian na 1492, pues komo grupo na Portugal nan a keda muchu mas leal na nan pasado ku esun nan ku a preferá di keda na Spaña.
3. Pero e faktor mas importante di tur ku a sòru pa e konsolidashon di generashonnan di hudiunan sekreto na Portugal (otro for di na Spaña)ta ku e kristiannan nobo tabata wòrdu ekskluí di tur trabou i onornan gubernamental. Dor di e trato desigual aki eksperensia pa e hudiunan sekreto durante nan estansia na Portugal nan no a sinti ku nan tabata forma parti di e komunidad portugues, anto esaki solamente tabata alimentá nan resentimentu kontra di e estado portugues, anto esaki a resultá den nan desaroyo komo un grupo separá den e komunidad portugues.

Hudiunan i komersio

For di komienso di época medieval (476 - 1492) gobernantenan europeo a sera hopi profeshonnan i tambe derecho pa atkerí tera dor di e hudiunan. Restrikshonnan di parti di e outoridat kristiannan aki pa ku e hudiunan tabata basta normal e tempu ei, i den mayoria kaso e restrikshonnan aki a pusha e hudiunan den e ramo di hasi negoshi i komersio pa sobreviví. Pero pronto e hudiunan a kuminsá dominá e ramonan aki, dor ku tiki otro okupashonnan tabata aksesibel pa nan. Riba e península Ibérico tabata solamente durante e konkista musulman ku e hudiunan tabata liber di práktika otro tipo di profeshonnan.


Despues di 1492 ya ku nan raisnan profundamente ankra den komersio i negoshi e hudiunan sekreto especialmente esun nan na Portugal (i Spaña) awor dor ku nan ta wòrdu ekskluí for di tur trabou i onornan gubernamental awor mas ku ántes nan tabata obligá di bai atrobe den e direkshonnan ei.

Hudiunan i komersio

Tambe awor ku nan tabata tin otro miembranan di famia ku a bai biba den otro partinan di sùit Europa, nort di Afrika i den e imperio Turko-Ottomano dor di e ekspulshonnan resien awor nan tabata kapas di traha retnan komersial entre nan mes. Además den negoshi i komersio bo mester tin hende di konfiansa pa hasi negoshi kuné, anto den ken bo ta konfia mas tantu ku den bo mes famia òf rumannan di fe.

Den kaso di e hudiunan skondí na Portugal (i na Spaña) no tabata solamente un kuestion di hasi negoshi i komersio, pero tambe un kuestion di keda pafó di e garanán di inkisishon. Paso si inkisishon logra gara kualke hudiu skondí riba sospecha di ta profesa e religion hudiu den sekreto nan lo tin sigur ku nan rikesa lo wòrdu konfiská i nan mes tambe enkarselá òf asta resultá den nan mes un final trágiko.

E retnan komersial di e hudiunan sefardita aki rònt di laman mediteráneo a muestra di ta hopi efektivu den siglo 16 (1500-1599) ora ku asta sierto Papanan romano a invitá e hudiunan aki bin establese den e estadonan papal pa stimulá negoshi i komersio den e regionnan aki, tambe por bisa mes un kos di e gobernantenan di e repúblika di Venesia i e Sultannan Turko-Ottomano ku tabata goberná e teritorio Balkaniko den siglo 16.



Rutanan di migrashon sefardita entre 1492 i 1570 (flecha kòrá), i despues di 1570 (flecha pretu)

Europa den siglo 16 (1500-1599)

Nort di Europa den siglo 16 tabata e esenario di Reforma Protestant, e Kontra Reforma Katólíko i e Gueranan di Religion ku a bin despues entre Protestantnan i Katólikonan. Promé ku siglo 16 e religion katólíko kristian den (nort di) Europa tabata e hèrmènt mas importante pa kondusí polítika. Durante di e gueranan di religion ku a sigui despues di e Reforma i e Kontra Reforma mayoria intelektualnan europeo a pensa ku pronto e resultado di e gueranan aki lo ta ku e religion berdadero lo triunfá riba esun otro, anto ku Europa lo keda òf completamente Protestant òf completamente katólíko.


Pero pa 1570 e gueranan di religion a drenta un impase kaminda ningun kaminda riba e kontinente no tabata tin un resultado kla i (nort di) Europa a keda dividí den Protestant i Katólíko. E protestantnan mes tambe a keda dividí den Luterano, Calvinista (òf Hugonota), i Anglikano. Entre 1570 i 1600 tantu e Reforma i e Kontra Reforma a pèrdè hopi di nan forsa di impakto ku originalmente e tabata tin na Europa i e fundeshi kristian sólido di siglonan bieu di e kultura (Nort di) Europa a kuminsá mustra sker den nan.

For di e momentonan ei iglesia kristian a kuminsá ku su retirada slou di siglonan largu di ta e úniko hèrmènt ku ta eksistí pa kondusí polítika i tambe di ta e úniko bèrdat universal ku ta eksistí pa splika tópikonan (sientífiko).

Europa den siglo 16 (1500-1599)

Despues di 1570 teorlanan polítiko-ekonómiko nobo a kuminsá wòrdu fórmula atraves di Europa pa restorá atrobe unidat, stabilidat i bienestar, anto desde awor estado i no iglesia tabata wòrdu kada be mas usa pa yega na e metanan aki. E teorlanan nobo nan aki awor ta basa nan mes riba interes material i sosial di e estado pero awor libra i sin e karga di fanatismo religioso di pasado. Fanatismo religioso awor tabata wòrdu restringí dor di estado mes, anto awor e importansia ekonómiko di estado tabata wòrdu promové no opstante e religion ofisial, e tradishonnan òf privilegio di e estado.

E temporada aki lo wòrdu yama e époka di Merkantilismo na Europa (òf tambe e époka di polítika di Raison d'État [polítika di interes nashonal] na Europa) i e teorlanan polítiko nobo nan aki a hasi sierto siudatnan den nort di Europa manera, Hamburg (despues di 1590), Amsterdam (for di 1595) i Londres (for di 1655) teranan fèrtil pa e hudiunan sekreto ku tabata biba den e área di laman mediteráneo i sigur esunnan na Portugal pa bin i establese nan mes den e siudatnan aki pa benefisio i tambe pa ekspanshon di nan retnan komersial ku ya tabata basta sólido kaba.



Europa Religioso attualmente

Europa despues di e Reforma kristian

Amsterdam i e hudiunan (For di 1595)

Amsterdam for di siglo 14 ya tabata konosí komo un suidat di komersio i negoshi, pero despues di año 1570 awor fuertemente influencia dor di e teoria polítiko-ekonómiko nobo nan aki i tambe ku e konsolidashon di e reboltiá hulandes kontra korona spañó awor tambe e la desaroyá tambe komo e sentro di negoshi i komersio di e repúblika hulandes nobo.

Amsterdam ku tabata un suidat portuario chikitu promé ku año 1570, awor a kuminsá atraé hopi komersiante protestant for di otro partinan di Europa, i danki pa e imigrantenan aki a transformá Amsterdam ya pa año 1630 den un di e suidatnan portuario di mas importante i sentro komersial di mundu.

E migrashon masivo di imigrantenan aki for di otro partinan di Europa pa (especialmente)

Amsterdam tabata un di e forsanan impulsado di mas importante tras di e siglo di oro hulandes, ku tabata un periodo den kua komersio, siensia, forsa militar i arte hulandes tabata entre esun nan mas importante den mundu.

Komo parti di e teoria polítiko-ekonómiko nobo aki medidanan a kuminsá wòrdu implementá for di 1590 dor di e gobernantenan di e suidat, nan a disidí di permití komersiante ku no tabata protestant (manera hudiunan i mas despues katólikonan) di bin establese nan mes na Amsterdam, pero solamente si nan tene nan religion pa nan mes i sin must'é públikamente.

Pesey e promé generashonnan di hudiu sefardí (ku den mayoria tabata hudiu portugues) tabata bonbiní na Amsterdam komo komersiante pero di otro un banda nan tabata wòrdu tolerá komo hudiu, e tabata simplemente e mes un forma di e bon konosí polítika hulandes di toleransia (Na hulandes = Het Gedogen Beleid), pues si algu no ta wòrdu permití otro kaminda pero e ta trese benefisio finansiero e lo wòrdu tolerá dor di e gobièrnu Hulandes.

Amsterdam i e hudiunan (For di 1595)

Ku e promé generashon di hudiu sefardí tabata wòrdu tolerá komo hudiu esei por a mir'é klaramente for di e simpel echo ku tabata te ku año 1614 ku a permití nan di kumpra un pida tereno na 'Ouderkerk aan de Amstel' serka di Amsterdam ku nan por usa komo nan promé sementerio yama Beth Haim, i tambe dor di echo ku tabata te ku año 1639 ku nan a haña pèrmit pa nan por a traha nan promé snoa ku tabata visibel for di kaya, i esei tambe a pone fin na e periodo di kasnan ku tabata fungi komo snoa i ku tabata chikí i invisibel for di kaya komo un tèmpel hudiu.


E promé generashonnan di hudiu sefardí den e promé mitar di siglo 17 (1600-1650) a konsentrá nan mes den un área di Amsterdam: Riba 'De Vlooienburg' den i rondó di 'Breestraat' (despues renombrá 'De Jodenbreestraat'). 'De Vlooienburg' tabata originalmente un isla riba oria di e riu Amstel, ku a wòrdu di dèmpel entre año 1592 i año 1596, durante e di dos ekspanshon urbano di Amsterdam tambe konosí komo 'de Tweede Uitleg'. E isla artifisial aki a tabata wòrdu usa komo lugá di vivienda i tambe komo un depósito di palu ku tabata wòrdu usa den astiero di barkunan djis serka eibanda.

Awendia 'De Vlooienburg' ta konsistí di e área kaminda e 'Jodenbreestraat', e 'Waterlooplein' i tambe e Stopera (STadhuis i OPERA) ta situá. E hudiunan mes tabata yama e Breestraat na spañó 'Calle Grande' òf na Portugues 'Rua Grande'.


Pa año 1670 e komunidad hudiu sefardí di Amsterdam ya a yega aproksimadamente 2.000 miembro i pa año 1700 e la subi riba 3.000 miembro. Pero despues di año 1730 i den sobra di siglo 18 (1700-1799) e komunidad lo keda aproksimadamente 3.000 miembro dor ku Portugal ku for di despues di año 1590 tabata fungi komo e fuente di mas importante di hudiunan (sekreto) pa inkluso Amsterdam despues di año 1730 a kuminsá seka (figurativamente) komo tal.



E aktual snoa sefardí na Amsterdam inougrá na aña 1675, e símbolo di Amsterdam sefardí



Mapa di Amsterdam di aña 1597,
ku e lokashon di 'De Vlooienburg'



Mapa aktual di sentro di Amsterdam, ku e lokashon aktual di 'De Vlooienburg'

W.I.C. (1621-1792)

For di tempran den siglo 15 (1400-1499) tabata solamente **Portugal** komo úniko pais europeo ku a kuminsá ku eksplorashon marítimo den oséano atlántiko dor di nabegá bai sùit na kantu di e kosta west di e kontinente afrikano i sperando asina di diskubrí e ruta marítimo pa yega India.

Na aña 1492 **e spañónan** tambe a trata di yega India pero dor di nabegá bai west, anto asina pa kasualidat nan a bin diskubrí un kontinente nobo ku despues nan mes a bin yama **Amérika**.

For di despues di e deskubrimentu aki **tenshonnán entre Spaña i Portugal a kuminsá subi** i bira asina haltu ku na aña **1494 Papa Alexander VI ta sera e 'Tratado di Tordesillas'** entre nan dos i den aña **1529 nan dos mutuamente ta sera e 'Tratado di Zaragoza'**.

E tratadonan aki a dividí e kontinente Amerikano, Afrikano i Asiático den teritorionan pa hasi negoshi i pa wòrdu kolonisá dor di Spaña i Portugal.

Especialmente e tratado di Tordesillas a sòru pa e kontinente Amerikano (ku eksepsyon di ost di Brasil) a bira un teritorio ku Spaña por a usa pa hasi negoshi i ku e por a kolonisá, anto ku e parti west di e kontinente Afrikano (huntu ku ost di Brasil) a bira un teritorio ku Portugal por a usa pa hasi negoshi i ku e por a kolonisá.

Pronto e spañónan tambe a bin ripara ku e nativonan di e kontinente Amerikano (e indjannan) no tabata kapas pa hasi e trabou duru di katibu den nan kolonianan, pues e ora ei e spañónan a kuminsá duna **'Asiento'** (pèrmit ku korona spañó ta otorgá na hende, instansia òf pais pa bende katibu ku e kolonianan di e reino Spañó) na Portugal, pa asina ei Portugal por a bende afrikanonan prosedente for di kosta west di Afrika te den e kolonianan spañó na Amérika. **Asina ei e portuguesnan a bira e promé trafikantenan di esklabo den e kontinente Amerikano.**

W.I.C. (1621-1792)

E tratadonan di Tordesillas i di Zaragoza a ekskluí tur otro pais europeo for di e derecho pa hasi negoshi òf pa tin kolonia den e kontinente Amerikano, Afrikano i Asiátiko, pero despues di aña 1570 algun pais europeo (di kual mayoria ta protestant) anto awor fuertemente influensia dor di e teoria polítiko-ekonómiko nobo nan no tabata ker a respetá e tratado nan katólikonan aki mas, espezialmente e paisnan Fransia, Inglatera i e Repúblika Hulandes.

E teoria polítiko-ekonómiko nobo nan aki tabata un influensia asina fuerte den e Repúblika Hulandes despues di 1570 ku einan a lanta kompanianan nobo i ku a wòrdu promové dor di gobièrnu hulandes mes manera tabata e kaso di (e esun mas famoso ku ta) **VOC** na 1602 i e **WIC** na 1621, ámbos a wòrdu lanta komo instrumento pa yuda bringa e spañónan riba laman i tambe pa hasi negoshi i kolonisá teritorionan den e kontinente Amerikano, Afrikano i Asiátiko.

WIC tabata tin vários kolonia hulandes bou di dje manera: New Amsterdam [1624-1667] awendia New York, E Brasil Hulandes [1630-1654], awendia e kosta nortost di Brazil, Kòrsou (huntu ku Aruba i Boneiru) [for di 1634], Sint Eustatius (huntu ku Sint Maarten i Saba) [for di 1678], E kosta di oro (Gold Coast) na Ghana [1637-1872].


Pero e imperio hulandes aki a plama for di otro mas lihé ku e la dura pa wòrdu konstruí, dor ku **Brasil** ta kai bek na **1654** den man di portuguesnan i **New Amsterdam** ta wòrdu kambia pa **Sürnam** na aña **1667** i den siglo 18 e Repúblika Hulandes a bai asina atras tantu finansieramente komo militarmente ku WIC no tabata kapas mas pa defendé su propio kolonianan manera a pasa durante e di 4 guerra entre e Reino Ingles i e Repúblika Hulandes [1780-1784], anto na **1791** e kompania a kaba di bai **bankrut** tambe, anto estado hulandes e ora ei ta kumpra tur e partinan (aandelen) i riba **1 di yanüari 1792** WIC ta stòp di eksistí ofisialmente i tur e teritorionan ku tabata propiedat di WIC a pasa ofisialmente i bira teritorionan òf kolonianan di e Repúblika Hulandes



E Bandera di WIC



E 'West Indische Huis' na Amsterdam
(sede prinsipal di WIC di 1623 te 1647)



E depósito di WIC na Amsterdam
(konstruí na 1642)



E depósito di WIC na Amsterdam
(aktualmente)

KORSOU (for di 1634)

Na aña **1634** WIC ta konkista e isla di Kòrsou for di e spañónan, dor di su bon haf natural i prinsipalmente dor di **su alokashon ku ta hopi stratégiko** den laman di Caribe pero tambe dor ku e tabata **bon aloká entre** e dos kolonianan di mas grandi di WIC den Amérika ku tabata New Amsterdam (awendia New York) i e Brasil Hulandes.

Djis despues di e konkista nan a kuminsá ku konstrukshon di un fòrti ku nan a yama '**Fort Amsterdam**' na punta di un península ku nan a yama '**De Punt**' (E Punta) pega ku entrada di e haf. E palabra ku nos ta usa pa yama e lugá aki (Punda) ta derivá di e palabra hulandes aki i Fort Amsterdam for di e tempu ei ta fungi tambe komo sentro di gobernashon di e isla aki.

For di 1635 e poblashon di Kòrsou tabata konsistí di un grupo chikitu di hende for di e Repúblika Hulandes ku den nan mayoria tabata trahadó (òf sirbidó) protestant di WIC i tambe algun agrikultor. Na aña **1648** e 'e guera di 80 aña' (e guera ku Hulanda a bringa pa su independensia kontra di Spaña) ta yega na su final **i Spaña ta rekonosé e Repúblika Hulandes komo un nashon independiente**, i e evento aki lo tin konsekuensia nan grandi pa e poblashon di e isla di Kòrsou, tantu den kantidat komo den gruponan ètniko ku ta bai forma parti di e isla.

Awor ku e hulandesnan no tabata kore e peliger mas di pèrdè e isla aki na man di e spañónan nan a kuminsá atraé mas hende pa bin biba riba e isla aki, awor mas Protestant a bin for di e Repúblika Hulandes bin establese nan mes riba e isla aki, anto asina ei **nan a funda un suidat chikitu rondoná pa un muraya na nort di Fort Amsterdam ku mas despues nan a bin yama Willemstad.**

KORSOU (for di 1634)


Despues di aña 1648 tambe hudiunan sefardí a yega Kòrsou for di Amsterdam i tambe algun grupo chikitu di katólíko (for di Europa òf komo refugiado for di e kolonianan franses i spañó) ku awor tambe tabata wòrdu tolerá.

Na alrededor di aña 1660 komo un konsekuensia indirekto di e pas entre e Repúblika Hulandes i Spaña, awor korona spañó a konsedé 'Asiento' tambe na WIC pa transportá i bende katibu for di e kosta di oro na Ghana na west Afrika te den e kolonianan spañó na Amérika.


E isla di Kòrsou asina a bira un lugá di tránsito di katibu den e region di Caribe pero tambe un kolonia di agrikultura i awor terenonan den e distriktonan pafó di Willemstad a wòrdu parti i usa komo plantashon.

Despues di aña 1700 e suidat chikitu di Willemstad a bira asina drùk ku hende ku WIC a disidí di duna pèrmit pa traha kas na e otro un banda di e entrada di haf, anto asina ei nan a bin yama e parti ei 'Otrobanda'.

Despues di aña 1713 WIC a pèrdè pa semper e 'Asientonan' aki i Kòrsou e ora ei a keda solamente komo un kolonia di agrikultura, pero asina tantu katibu a keda trese na e isla aki pa bin traha na e plantashonnan ku djis despues nan a bira e grupo ètniko di mas grandi na Kòrsou, nan a bai forma parti di mas ku 60% di e poblashon di e isla aki.




Detaye di e 'Gronttekeninge' di 1634



Afbeelding 8. Detail van de kaart van Robijn (1676), waarop de stad is te zien. De naam Willemstad komt pas voor het eerst in 1680 in de archieven voor. Bron: CITCO kalender.

Detaye di e 'Kaart van Jacob Robijn' di 1676



Willemstad na 1754 i Punda na 1990

Kòrsou i e hudiunan (for di 1651)

Na aña **1651** WIC a duna pèrmit na un grupo chikí di hudiu sefardí di Amsterdam pa nan por a bin i establese na Kòrsou i pa pobla algun plantashi nobo. Anke ku e gerensia di WIC tabata sospecha ku e hudiu nan aki tabata tin mas ku simplemente plan pa hasi agrikultura so na Kòrsou, pero tòg un aria a ser destiná pa nan. E aria aki mas despues a bira konosí komo 'De Joden Kwartier' i e aria ei ta konsistí di diferente plantashinan manera 'Blij en Heim', 'Rozentak' i 'De Hoop'.

Den e mes un aña aki ku nan a yega Kòrsou **nan a funda e kongregashon hudiu di mas antiguo** (i te ainda eksistente den hemisferio amerikano) yama 'Mikve Israel' (Speransa di Israel), i riba e plantashonnan aki nan a inougurá nan **promé snoa di palu** i tambe **e sementerio hudiu di mas antiguo** (i te ainda eksistente den hemisferio amerikano) yama Beth Haim (Kas di Bida).

E kolonia hudiu aki pronto a kuminsá ekspandé i pa aña **1659**, **un grupo mas grandi ku tabata konsistí den su mayoria di hudiunan ku tabata biba na loke tabata e Brazil hulandes, a sali di Amsterdam pa Kòrsou** anto mas despues tambe a bira kla pa e gerensia di WIC ku e hudiunan aki tabata in prinsipio mas interesá pa ekspandé nan **retnan komersial** ku ya tabata basta fuerte kaba for di Europa te den kontinente amerikano.

Den e kaso di Kòrsou, e retnan komersial nan aki a keda establese i mantené entre e Repúblika Hulandes i Kòrsou, kaminda nan tabata importá produktonan for di Hulanda (lesa: Europa) i bende nan den e kolonia nan spañó, franses i ingles i di e otro banda nan tabata kumpra produktonan den e kolonianan aki i eksportá nan pa e Repúblika Hulandes (lesa: Europa). E 'Joden Kwartier' **awendia** ta situá na e parti west di loke nos konosé komo e tereno di refinaria Isla.

Kòrsou i e hudiunan (for di 1651)


Pronto tambe e hudiunan a wòrdu permití pa biba paden di e murayanan di Willemstad (lo ke nos konosé awendia komo Punda) i tambe nan a haña pèrmit pa traha nan siguiente snoanan paden di e murayanan aki i e poblashon hudiu a kuminsá floresé i ekspandé asina tantu ku pa aña **1745** e komunidad sefardí di Kòrsou a yega aproximadamente 1.400 miembro (kasi mitar di e komunidad di Amsterdam e tempu ei), i te ku aña 1770 nan tabata forma e mayoria di e poblashon di orígen europeo aki na Kòrsou.

Pa nan aktivitat di negoshi i komersio ku e kolonianan spañó, franses i ingles den serkania nan tabata hasi uso di un flota di barku basta grandi den siglo 17 i siglo 18 i for di 1730 mas o ménos tambe tabata tin hudiu tabata biba na Otrobanda ku tabata disponé di nan mes snoa ku tabata mas chikitu ku esun den Punda i pero ku tambe tabata kai tambe bou di e snoa di Punda, pero despues di 1800 no tabata muchu hudiu mas tabata biba na Otrobanda i nan a haña nan ta sera e snoa ei.

E hudiunan tabata doño tambe di plantashinan aki na Kòrsou, i plantashonnan (awendia barío nan) ku e nòmber manera 'Habaai' (ku ta derivá di e nòmber di famia 'Gabay Henriquez') i Parera (di e famia 'Parera') ta evidensia klaro ku e plantashonnan ei ántes tabata propiedat di hudiunan.

Despues di 1770 e komunidad hudiu aki na Kòrsou a kuminsá bira ménos poko poko pa loke ta trata e kantidat di miembro, paso pa aña **1785** nan tabata mas o ménos aproximadamente **1.200 miembro** i pa 1816 aproximadamente **1.000 miembro**.

Ku nan tabata forma parti di e mayoria di e poblashon di orígen europeo aki na Kòrsou te ku 1770 por mira klaramente na e influensha ku nan tabata tin riba e idioma lokal di Kòrsou ku ta 'Papiamentu' ku durante di siglo 18 a keda hopi influensha dor di e portugues ku tabata e idioma ku e hudiunan sefardí tabata papia aki na Kòrsou, pero ya na mas o ménos e mitar di siglo 19 e idioma portugues aki a disparsé tambe komo idioma materno di e hudiunan sefardí.



A Casa de Rodeos (House of the Circuits, circa 1726)

exhibition

B Czinha dos Cohanim (Small House of the Cohens, circa 1856)

reception



E Snoa na Punda

Bista aéreo di e sementerio hudiu 'Beth Haim'

Final


Tin Pregunta?

Orígen i Desaroyo di famia DA COSTA GOMEZ

Di Dos Parti:

Historia di famia Da Costa Gomez di Kòrsou

Kompilá pa
Randal Da Costa Gomez



E parti relevante di e palu genealógiko di e promé dos generashonnan di famia Da Costa Gomez di Kòrsou

E promé dos generashonnan

Na mas o ménos aña 1700 (por lo ménos) 4 ruman hòmber ku e fam 'Da Costa Gomez' ta aparesé na Amsterdam ku nan respektivo esposa y algun di nan yunan, nan tur 4 a nanse na Lisboa (Portugal).

Unabes ku nan a establese na Amsterdam nan a kasa di nobo ku nan respektivo kasánan sigun e religion i leinan hudiu anto abiertamente nan a kuminsá biba tambe komo hudiu, esaki ta un evidensia kla ku nan lo tabata biba na Lisboa komo hudiu sekreto.

Dia nan a kasa di nobo na e snoa portugues di Amsterdam tur e 4 ruman hòmber nan aki a identifiká nan mes komo yunan di un tal 'Abraham da Costa Gomez', i tabata hopi pekuar ku tur e 4 rumannan aki a firma nan 'Ketubah' (un areglo prenupcial special hudiu) ku un lèter chikitu 'd' na komienso di nan fam i tambe ku un 'z' hopi kla na final di nan fam. E por tabata un referensha na nan orígen spañó generashonnan pasa, paso den portugues 'Gomes' ta wòrdu skibi normal ku un 's', pero na spañó 'Gomez' ta wòrdu skibi ku un 'z'.


E ta keda basta sorprendente kon despues di asina tantu aña despues ku e hudianan a wòrdu ekspulsá for di Spaña na 1492, (ku na mas o ménos 200 despues) e hudianan sekreto nan aki na Portugal a keda fiel na nan raisnan dor di e trato i aktitut diskriminatorio i repulsivo di e komunidad i estado Portugues kontra di nan.

E promé dos generashonnan

Tantu Immanuel komo Moises a keda biba te ku nan fayesementu na Amsterdam, kaminda nan a bin **fayesé na 1727 i 1735** respektivamente, **pero di otro un banda Aron i Samuel ya ta aparesé den e archivonan di WIC riba '12 di Mei 1707' na Kòrsou**, kaminda nan tabata eksportá produkto pa nan ruman Moises na Amsterdam. Esaki ta un prueba kla ku nan a yega Kòrsou pa fungi komo miembro di un ret komersial entre Kòrsou i e Repúblika Hulandes. Nan por a yega Kòrsou na final **1706** i nan a **fayesé na Kòrsou na 1719 i na 1733** respektivamente.

Esaki tambe ta nifiká ku e famia 'Da Costa Gomez' tin mas ku '300 aña' ta biba riba e isla di Kòrsou i den e kontinente Amerikano.

Anke ku e generashonnan mas despues na Amsterdam a bai skibi nan fam ku un lèter 's' na final, pues 'da Costa Gomes', pero tòg e generashonnan despues na Kòrsou despues di 1800 ta kuminsá skibi nan fam ku un lèter 'D' grandi na kuminsamentu i na final ku un 'z', ku despues lo bira ofisial na 1831 e aña ku registro sivil a keda introdusí aki na Kòrsou.



E parti relevante di e palu genealógiko di e promé kuater generashonnan di famia Da Costa Gomez di Kòrsou

E promé kuater generashonnan

E desendientenan maskulino di tantu Aron komo Samuel da Costa Gomez na Kòrsou a ekstinguí den dos pa tres generashon, i anke vários miembro di e famia 'da Costa Gomez' a yega Kòrsou for di Amsterdam den e promé mitar di siglo 18, pero tòg ningun di nan no ta e antepasado direkto di e 10 takinan di famia 'da Costa Gomez' aki na Kòrsou.

Tur e aktual 10 takinan di Kòrsou ta desendiente direkto di 'Gabriel (yu di Imanuel) da Costa Gomez' i ku a nanse na 1696 na Amsterdam i ku a kasa ku 'Rachel (yu di Daniel) de la Penha' riba '5 di Yanüari 1729' den e snoa sefardí na Amsterdam. Rachel a nanse na Rotterdam kaminda tambe tabata tin un komunidad sefardí anto ku Gabriel e la haña por lo ménos **1 yu muhé 6 yu hòmber**, kendenan tur a nanse entre 1729 i 1744.

Na mas o ménos 1745 nèt durante e periodo kaminda e komunidad hudiu di Kòrsou e yega su kantidat di mas hopi miembro, Gabriel y su famia ta yega Kòrsou i mas despues (promé ku 1759) su 6 yu hòmbernan ta funda e empresa 'Immanuel (òf Manuel) Da Costa Gomez i rumannan'.

Daniel i Joseph ta remigrá despues i bai establese bek na Amsterdam anto einan ofisialmente nan tabata karga e nòmbernan 'Daniel da Costa Gomes de la Penha' i 'Joseph da Costa Gomes de la Penha' i tabata únikamente Daniel ku tabata tin desendiente (hudiu) na e Repúblika Hulandes ku na 1806 a bira e Reino di Hulanda (bou di Louis Napoleon Bonaparte) i na 1815 e Reino Hulandes (bou di Willem I di Oranje-Nassau)

E promé kuater generashonnan

Negoshi a bai bon pa e empresa aki anto asta durante di e Guera di Independensia Amerikano (1775-1783); nan a partisipá den e komersio (di kontrabanda) ku tabata pasa via e isla di Sint Eustatius entre e Repúblika Hulandes i e 13 kolonianan ku a rebeldiá na nort Amérika kontra di e Imperio Ingles.

E empresa aki a hasi e famia 'Da Costa Gomez' aki e famia hudiu di mas riku aki na Kòrsou for di 1797 i te ku asta dia e empresa aki a stòp di eksistí na 1811 ku fayesementu di e último ruman Isaac, e famia aki ainda tabata e famia hudiu di Kòrsou ku tabata paga mas belasting riba propiedat te ku 1819, ku nan propiedatnan ku tabata wòrdu balorá riba 100.000 peso spañó. Pero despues di 1820 nan a wòrdu remplasá di e promé lugá aki dor di e famia hudiu Jesurun.

Di e kuater otro ruman hòmbènan ku ta keda biba aki na Kòrsou, tabata solamente **Samuel i David** ku a kasa ku un persona hudiu i ku tabata tin desendiente hudiu, pero ni Imanuel ni Isaac no a kasa òf tabata tin desendiente hudiu, **pero manera nos sa tantu awe komo e tempu ei un hende hòmber no mester ta kasa pa e tin yunan biológiko i asta hòmbènan kasa tambe por tin yu ku otro hende ku no ta nan kasa.**

Taki number I : E taki di Skalo

E taki aktual hudiu di e famia 'Da Costa Gomez' na Kòrsou ta desendiente direkto di Samuel (yu di Gabriel) da Costa Gomez i Rachel de la Penha. Samuel manera a wòrdu nombra kaba ta miembro di e di 4 generashon konosí di e famia Da Costa Gomez di Kòrsou.

Te ku nan di **6 generashon** e taki aki a keda biba na Kòrsou i semper a usa Kòrsou komo nan base pa hasi negoshi den e region aki. Mayoria miembro di e taki aki a keda biba den e distrikto di Punda (anto mas despues den e distriktonan di **Pietermaai i Skalo**) di Willemstad i vários miembro di e taki aki tambe tabata doño di Plantashinan promé ku 1845, ku 'Klein Zuurzak' (1777-1799), 'Bloemhof' (1781-1813), i Groot Davelaar (1782-1828) ku ta e plantashinan ku mas tempu a keda den posishon di e taki aki.

Pa e hudiunan semper a keda un problema pa por a establese den e region spañó rondó di Kòrsou dor ku den kolonianan spañó e inkisishon spañó tambe tabata presente, **pero despues di 1820 ku e prosesonan di independensia ku tabata tin den sur i Amérika sentral e la bira mas fásil pa nan pa por a bai establese den e regionnan aki.**

Taki number I : E taki di Skalo

Despues di 1820 un par di e miembronan aki (miembronan ku tabata pertenesé na e di **7, 8 i 9 generashon**) a bai hasi negoshi i tambe establese riba islanan den Karibe manera e tempu ei e isla danes di **Sint Thomas** òf den suidatnan di Amérika latino ku a wòrdu libra di e dominashon spañó ku esun di mas konosí tabata **Maracaibo** na Venezuela i nan a usa e suidatnan i islanan aki komo nan sentro nobo pa hasi negoshi.

Mayoria di e miembronan ku a keda Kòrsou durante di siglo 19 i siglo 20 tabata **komersiantenan prominente** aki na Kòrsou i nan lo keda biba den e parti ost di Willemstad espesialmente Pietermaai i Skalo i sigui hasi negoshi den Punda te ku sigur añanan 50 di siglo 20.

Dos kas den Skalo ku tabata pertenesé na e taki aki i ku awendia ta monumento ta **Scharlooweg 106** (e di 8 generashon), inougurá na **1881** i **Scharlooweg 77** (di 9 generashon) inougurá na **1918** i ku awendia ta wòrdu yama 'bolo di batrei' òf edificio di archivo nashonal di Kòrsou.

E taki aki ya ta ku nan generashon di mas yòn ya den nan di **12 generashon** (ku ta konosí) i mayoria di e miembronan di e taki aki ta hudiu (pues nase for di un mama hudiu) òf tin un tata ku ta hudiu.



Scharlooweg 106



Scharlooweg 77

Taki number II : E taki di Kanga

E taki aki ta konsistí di e desendientenan direkto di Johannes Rupertus Da Costa Gomez [1811-1895], anto Johannes Rupertus tabata e yu hòMBER mayó di Guillermo Da Costa Gomez [1777-1845] i di Clara Louisa de Lannoy.

Guillermo tabata un katibu 'mulato' ku a wòrdu **liberá** dor di e hudiu Isaac Da Costa Gomez [1742-1811] na aña **1796** (tempu e la bira mayor di edat) i sigur lo e mester tabata yu di un señora di kolo i sklabisá i probablemente di Isaac mes tambe. Esaki ta hasi ku Guillermo ta pertenesé na e di **5 generashon** (ku ta konosí) di e famia Da Costa Gomez di Kòrsou.

Dor ku Guillermo no a nanse di un mama hudiu, e no tabata wòrdu konsiderá un hudiu i e no por a djòin e komunidad hudiu lokal. E úniko religion (i komunidad) e tempu ei na Kòrsou ku tabata aksesibel pa hende sklabisá, hendenan ku tabata sklabisá i hendenan di kolo ku a nanse liber tabata e religion katólíko.

Esei tabata e motibu dikun Guillermo a djòin e komunidad lokal katólíko i a batisá den e religion katólíko bou di e nòmber di '**Manuel Basilio Da Costa Gomez**' i esaki tabata e nòmber ku semper e la usa den e komunidad katólíko, pero den aktonan ofisial di gobièrnu e la keda usa su nòmber original ku ta 'Guillermo Da Costa Gomez'.

Guillermo a bira **un miembro prominente** den e komunidad katólíko, ku e tempu ei tabata tin un edifisio di misa so, ku tabata e misa di Santa Anna ku ta situá den Otrobanda, anto un hecho remarkabel tabata ku probablemente Guillermo tabata **un di e promé personanan lokal ku a wòrdu risibí na 1824 pa (e tempu ei) pastor 'Martinus Niewindt'** ku a yega e aña ei mes for di Amsterdam i ku den 1842 lo wòrdu konsagrá komo obispu di Willemstad.

Taki number II : E taki di Kanga


Tempu ku Guillermo a bai registrá su mes ku su kasa y yunan na registro sivil (ku a wòrdu introdusí na Kòrsou for di aña 1831), e la hasi esaki bou di su beinam 'Guillermo Da Costa Gomez' na lugá di 'Manuel Basilio Da Costa Gomez', esei tabata un prueba kla ku **e tabata konsiderá su beinam mas importante i tabata us'é mas tantu** ku su promé nòmber ku (probablemente) e la risibí di su tata hudiu i su di dos nòmber (òf nòmber di santu) ku e la wòrdu batisá kuné dor di e iglesia katólíko.

Promé ku 1809 Guillermo a kasa ku Louisa de Lannoy, anto e matrimonio aki a resultá den **privilegio** pa e desendientenan di Guillermo, pasombra e famia 'De Lannoy' den e tempunan ei tabata propietario di diferente plantashi ku tabata keda pega banda di otro i ku tabata yama **'Asiento', 'St Jacob', 'Muijsenberch' (Muizenberg), 'Rooij Canarie' (Rio Canario), 'Dein' i un pida tereno grandi ku tabata yama 'Suffisant'**.

E matrimonio aki tambe a sigurá tambe ku e desendientenan di Guillermo por a toka parti tambe den e herensia di algun di e plantashonnan aki manera tabata e kaso **Dein, Suffisant i Rooij Canarie**, ku durante di siglo 19 a keda forma parti di e herensianan indefiní di 'famia De Lannoy'.

Na **1837** Guillermo su yu 'Johannes Rupertus Da Costa Gomez' ta kasa ku 'Bregitta Angelika Rijke', i na **1877** e ta kumpra e plantashi djis pega ku e otro plantashinan ku yama **'Kanga'**, i esaki ta hasi posibel ku ta su desendientenan so por a heredá e plantashi aki.

E taki aki di 'famia Da Costa Gomez' te ku nan di **10 generashon** (ku ta konosí) a keda biba riba e plantashi aki ku despues a desaroyá i bira e barío di Kanga den siglo 20 i e taki aki ya ku nan generashon di mas yòn ya ta te den nan di **13 generashon** (ku ta konosí).



E Plantashinan di 'famia Da Lannoy' i Plantashi Kanga

Taki number III : E taki di Suffisant

E taki aki ta konsistí di e desendientenan direkto di Johannes Anthony Da Costa Gomez [1818-1891], anto Johannes Rupertus tabata e yu hòMBER di mas yòn di Guillermo Da Costa Gomez [1777-1845] i di Clara Louisa de Lannoy, pues esei ta hasi ku Johannes Anthony tambe ta pertenesé na e di **6 generashon** (ku ta konosí) di 'famia Da Costa Gomez' di Kòrsou.

Na 1846 'Johannes Anthony Da Costa Gomez' a kasa ku 'Andrea Henriette Meggi', i nan a haña 3 yu hòMBER i 4 yu muhé i dor ku Johannes Anthony tambe tabata un heredero di famia De Lannoy, esaki a sòru ku e desendientenan di Johannes Anthony tambe por a toka parti den e herensia di algun di e plantashonnan di 'famia De Lannoy' manera tabata e kaso di **Dein, Suffisant i Rooij Canarie**, ku durante di siglo 19 a keda forma parti di e herensianan indefiní di 'famia De Lannoy'.

Suffisant otro for di Rooij Canarie i Dein no tabata un plantashi originalmente pero mas bien **un pida tereno grandi meimei di otro plantashinan** anto na kuminsamentu di siglo 20, promé ku e yegada di e refineria di Shell diferente miembro di e taki aki tabata biba aki riba, i despues di yegada di Shell Suffisant huntu ku otro terenonan i plantashinan eibanda a wòrdu usa komo lugá pa traha vivienda pa trahadónan ekstranhero ku a bin traha na Kòrsou pa e refineria di Shell.

E taki aki di 'famia Da Costa Gomez' te ku nan di **9 generashon** (ku ta konosí) a keda biba riba e tereno di Suffisant anto riba Lagoweg, anto e taki aki ya ku nan generashon di mas yòn ya ta te den nan di **12 generashon** (ku ta konosí).



E Plantashinan di 'famia Da Lannoy' i e tereno di Suffisant

Taki number IV : E taki di Otrobanda-Breedestraat

E taki aki ta konsistí di e desendientenan direkto di Daniel Da Costa Gomez [1828-1855], anto Daniel tabata e yu hòMBER mayó di e hudiu Aron Da Costa Gomez [1807-1873] i e señora katólíko Wilhelmina Isenia Lieder [1805-1880], i Aron tabata e yu di mas yòn di e pareha hudiu Haim Gabriel Da Costa Gomez [1770-1813] i Esther Pinedo [1793-1861], i Haim Gabriel tabata un yu di pareha hudiu Samuel Da Costa Gomez [ca. 1738 -1799] i di Sarah Pereira [?-1812] anto esei ta hasi Daniel e ora ei miembro di e di **7 generashon** (ku ta konosí) di e famia Da Costa Gomez di Kòrsou.

Aron tabata un hudiu ku tabata tin **un relashon largu** ku un señora katólíko ku tabata yama Wilhelmina Isenia Lieder i for di e relashon aki a sali 6 yu hòMBER i 4 yu muhé i dor ku e yu nan aki no tabata tin un mama hudiu, nan no tabata wòrdu konsiderá hudiu, i nan no por a djòin e komunidad hudiu i **nan mester a djòin e komunidad di nan mama** ku ta e komunidad katólíko. Aron tabata tin un kas na Willemstad i tambe for di **1851** te ku su fayerementu na 1873 tambe e tabata doño di e **plantashi Koraal Tabak** ku tabata situá na e parti ost di Kòrsou i ta hopi probabel ku e yu nan di mas yòn di Aron i Wilhelmina a krese na e plantashi di Koraal Tabak. Pero Daniel (e yu mayó di Aron i Wilhelmina), na añanan 1840 ta bira **nabegante** riba barku di bela, anto pa su trabou e ta bin establese serka di haf na Willemstad den e distrikto di **Pietermaai**, anto for di promé ku 1850 Daniel tabata tin un relashon ku un señora katólíko ku tabata yama **Leonora Juliao** [1826-1899] ku ken e la kasa kuné na 1851 anto di e relashon aki nan úníko yu a nanse ku tabata yama **Gabriel Da Costa Gomez, Jr.** [1850-1928].

Taki number IV : E taki di Otrobanda-Breedestraat

Pero na **1855** Daniel a muri hoga riba laman serka di New Orleans i probablemente e barku ku e tabata nabegá ariba lo a wòrdu sorprendé dor di e **orkan** ku a asotá New Orleans den e otoño di 1855, e evento aki a sigurá ku Gabriel no solamente a krese **sin su tata**, pero tambe **e kontakto** ku e tabata tin ku e famia di su tata a bai mengua.

Gabriel a krese seka su mama Leonora den e distrikto di Pietermaai i Leonora **a bai bende produkto i merkansianan** pa proveé nan dos di un entrada finansiero, i Gabriel awor hopi influensia dor di su mama ku tabata **traha duru** i tambe kasi sigur un tiki **desapuntá** tambe den e kerensia katóliko dor di e pèrdida di su tata e la kuminsá mustra interes na un edat relativamente yòn den **masoneria**.

Gabriel **meskos ku su mama** tambe a bai hasi negoshi i a keda biba den e distrikto di Pietermaai te ku na aña **1877** ora Kòrsou mes a wòrdu asotá dor di un orkan ku a destruí hopi kas den e aria di Pietermaai, i komo konsekuensia di e suseso aki, Gabriel na **1878** a kumpra su promé kas na e parti nort di **Breedestraat den Otrobanda**.

E kas aki tabata situá entre e aktual 'Landsloterij Gebouw' i e aktual viadùkt, i den Otrobanda e ta keda bende produkto i ekspandé su negoshi na aña **1895 i na 1900** e ta kumpra un pida tereno ku un kas ariba di mas o ménos **2 hèktar** grandi djis pafó di Willemstad na **Juicio**, e kas riba e tereno ei e la yam'é '**Quinta Leonor**' komo tributo na su mama ku a kaba di fayesé na 1899, i e tereno ei awendia ta situá presis kaminda Marchena Hardware ta na Marchena. I mas o ménos na e mes un temporada aki Gabriel ta kumpra tambe **e kuater kas** nan ku ta keda pega ku su kas na Breedestraat

Taki number IV : E taki di Otrobanda-Breedestraat

Gabriel mes nunca no a kasa, pero e la traha 10 yu hòmber i tambe 10 yu muhé (pues 20 natur) ku 6 diferente hende muhé i tambe lo e tin algu mas ku 50 nietu.

Despues di 1908 dor ku Gabriel tabata tin un disputa serio den e aña ei ku un pader katóliko , e la disidí algun aña despues di kambia di religion, anto asina ei Gabriel (i su desendientenan) a djòin (o a bira miembro) di e iglesia Protestant lokal.

Gabriel a muri na 1928, i despues di su morto diferente di su nietunan a kambia bek di religion i bira katóliko bek, i ta p'esei awendia su desendientenan den nan mayoria ta konsistí di Protestant i Katóliko.

E taki aki di 'famia Da Costa Gomez' te ku awendia tin miembronan ku ta biba den e aria di Otrobanda, no riba Breedestraat mas pero si den otro partinan di Otrobanda i e taki aki awendia ya ku nan generashon di mas yòn ya ta den nan di 13 generashon (ku ta konosí).




Breedestraat entre e edifisio di Landslotterij i Hendriksteeg

Taki number V : E taki di West Groot Sint Joris

E taki aki ta konsistí di e desendientenan direkto di Jan Da Costa Gomez [1842-1912], anto Jan Da Costa Gomez tambe tabata un di e yu hòmbenan di e hudiu Aron Da Costa Gomez [1807-1873] i e señora katólíko Wilhelmina Isenia Lieder [1805-1880], i esei ta hasi Jan un ruman di Daniel (di taki number IV) pues e ora ei esei ta hasi ku Jan tambe ta un miembro di e di 7 generashon (ku ta konosí) di e famia Da Costa Gomez di Kòrsou.

Probablemente Jan lo a krese riba e plantashi di su tata ku ta e plantashi di Koraal Tabak, i na aña 1885 Jan ta kumpra un pida tereno di 1 hèktar ku tabata (o ta) yama 'Sin Pensar' west di e plantashi Groot Sint Joris, i na 1894 e ta kumpra un pida tereno mas pega ku esaki di 0,5 hèktar. Jan Da Costa Gomez ta kasa na aña 1880 ku Florentina “Donicia” Martina i nan ta haña na tur 4 yu muhé i 5 yu hòmber, i tambe Jan lo tabata tin 1 yu hòmber mas pafó di e matrimonio aki. E taki aki di 'famia Da Costa Gomez' ta desendiente di 2 yu hòmber di Jan Da Costa Gomez, ku ta Fransisco de Asis “Frans” Da Costa Gomez [1893-?] i Arturo Salomon “Tuyo” Da Costa Gomez [1896-?].



E tereno ku tabata yama 'Sin Pensar' na West Groot Sint Joris

Taki number VI : E taki di Pietermaai

E taki aki ta konsistí di e desendientenan direkto di e hudiu Gabriel Da Costa Gomez [1847-1924], anto Gabriel Da Costa Gomez tambe tabata un di e yu hòmbenan di e hudiu Aron Da Costa Gomez [1807-1873] i un señora hudiu yama Clara Henriquez Juliao [?-1897], i esei ta hasi ku Gabriel tabata un **ruman di parti di tata so** di Daniel (di taki number IV) i di Jan (di taki number V) pues e ora ei esei ta hasi ku Gabriel tambe ta un miembro di e di **7 generashon** (ku ta konosí) di e famia Da Costa Gomez di Kòrsou.

Gabriel tabata tin un relashon ku un señora katólíko yama Wilhelmina Theresita Martina i de e relashon aki a nanse 1 yu hòmber i 5 yu muhé.

E úniko yu hòmber di e relashon aki tabata yama **(Claris) Pedro Da Costa Gomez** [1879 - 1956], i Pedro Da Costa Gomez a kasa ku un señora di Aruba ku tabata yama **Braulia Bikker** [1881-?], i di e relashon aki a nanse 3 yu hòmber i 5 yu muhé. **E di tres yu di e pareha aki ku a nanse na aña 1907 i e ta wòrdu konsiderá pa hopi hende awendia komo e polítiko di mas grandi di Kòrsou di siglo 20 i tabata yama: Moises Da Costa Gomez** [1907-1966].



E kas numerá Penstraat 15, 17, 19 i 19b na Pietermaai

Taki number VII : E taki di Weis Afó

E taki aki ta konsistí di e desendientenan direkto di (Venancio) Theodorus Da Costa Gomez [1870-?], i nan tabata yam'é Theodoor, i Theodoor tabata un yu di Juliana Harreman, pero p'ami **no ta konosí ainda ku eksaktitut ken tabata su tata.**

Pero tur kos ta mustra si ku Theodoor mester tabata tin konekshon òf ku e taki number II (e taki di Kanga) òf e taki number III (e taki di Suffisant) i tur kos tambe ta mustra ku Theodoor lo mester tabata un miembro di e di **8 generashon** (ku ta konosí) di e famia Da Costa Gomez di Kòrsou.

Theodoor a kasa na **1892** ku un señora ku tabata yama Maria Isabela Sebast, i di e matrimonio aki lo nase 4 yu muhé i 2 yu hòMBER.

E yu hòMBER di mas yòn di e pareha aki tabata yama **Luis Andres Da Costa Gomez** i e tabata biba (sigur den añanan 30 di siglo 20) den **Weis Afó**, anto Weis Afó of Maridol ta keda west di e wardanan di polis na Rio Canario.



E plantashinan di 'famia De Lannoy' i e aria di Weis Afó of Maridol


Taki number VIII : E taki di Maduro

E taki aki ta konsistí di e desendientenan direkto di Maximo Wilfridus Da Costa Gomez [1875-?], i Maximo Wilfridus tabata un yu di Maria Martida, pero p'ami no ta konosí ainda ku eksaktitut ken tabata su tata.

Pero tur kos ta mustra si ku Maximo Wilfridus mester tabata tin konekshon ku e taki number I (e taki di Skalo) i tur kos tambe ta mustra ku Maximo Wilfridus lo mester tabata un miembro di e di 9 generashon (ku ta konosí) di e famia Da Costa Gomez di Kòrsou.

Maximo Wilfridus a kasa na 1904 ku un señora ku tabata yama Jacoba Lucia Martina, i di e matrimonio aki lo nanse 2 yu muhé i 5 yu hòmber.

E famia aki a biba i te dia di awe tin desendiente ku ta biba na Maduro, Maduro awendia ta keda entre Moontjieweg, Juan Hatoweg i Amerikaweg. Un di e miembronan di e famia aki tabata un futbolista hopi konosí aki na Kòrsou i e tabata yama Eusebio Eugenio “Chechi” Da Costa Gomez [1932 - 2001].



E aria ku ta yama Maduro

Taki number IX : E taki di Otrobanda-Sebastopol

E taki aki ta konsistí di e desendientenan direkto di Arturo Inocente Da Costa Gomez [1880- ?], i Arturo Inocente tabata un yu di un señora ku tabata yama Emilia (su fam si ta deskonosí p'ami), **pero p'ami no ta konosí ainda tampoko ku eksaktitut ken tabata su tata.**

Pero tur kos ta mustra si ku Arturo Inocente mester tabata tin konekshon ku e taki number I (e taki di Skalo) i e taki number X (e taki di Pietermaai Smal) i tur kos tambe ta mustra ku Arturo Inocente lo mester tabata un miembro di e di **9 generashon** (ku ta konosí) di e famia Da Costa Gomez di Kòrsou.

Arturo Inocente ta kasa na **1903** ku Theresa Catharina Dania i di e matrimonio aki lo nanse 4 yu muhé i 3 yu hòmber. Tur e tres yu hòmbernan aki tabata músikonan hopi konosí aki na Kòrsou, ku tabata yama **Isaac Alfonso “Shapo” Da Costa Gomez [1903 - 1966], Arturo Leandro “Papachi” Da Costa Gomez [1910 - ?] i Pedro Alfredo “Freddy” Da Costa Gomez [1917 - 1987].**




E kas na Otrobanda ku ta wòrdu yama Lanthùis Sebastopol

Taki number X : E taki di Pietermaai Smal

E taki aki ta konsistí di e desendientenan direkto di Haim Abraham Da Costa Gomez [1888-1957] i **p'ami no ta konosí ainda ku eksaktitut ken tabata su tata** òf su mama.

Pero tur kos ta mustra si ku Haim Abraham mester tabata tin konekshon ku e taki number I (e taki di Skalo) i e taki number IX (e taki di Otrobanda-Sebastopol) i tur kos tambe ta mustra ku Haim Abraham lo mester tabata un miembro di e di **9 generashon** (ku ta konosí) di e famia Da Costa Gomez di Kòrsou.

Haim Abraham (tabata) tin 5 yu muhé i 1 yu hòmber ku Maria Christina Araujo[1907-?].



E kas ku ta numerá 7 den Nieuwe Straat na Pietermaai Smal

Final

Tin Pregunta?